

computandorum more provincie Tuscie ad stipendia camere prefati domini nostri regis nulla petitio vel questio vel controversia vel citatio vel admonitio vel preceptum moveatur, movebitur seu fiet seu gravamen aliquod vel molestia inferetur per nos vel prefatum dominum Rudulfum Romanorum regem aut successores nostros vel alios predicti domini regis nomine sive nostro seu successorum nostrorum, quacumque occasione vel causa, civitati et comuni^a Florentie vel comitatu seu districtui civitatis eiusdem, qui hodie tenetur seu dstringitur per eandem, seu contra ipsam civitatem, comitatum seu districtum prefatum. Cesantes et revocantes et annullantes exnunc omnes processus, citationes, precepta, commonitiones, penarum impositiones et omnia alia contra sepedictam civitatem eiusque comitatum^b seu districtum per nos et nostram curiam usque nunc facta seu etiam actitata^c. Ad quorum omnium corroborationem et omnimodam firmitatem presentes iussimus sigilli nostri munimine roborari.

Datum in arce Sancti Miniatis, die Lune XXI. Septembris, anno Domini millesimo CCLXXXII, indictione XI, regni vero domini nostri Romanorum regis predicti anno IX.'

Que littere sigillate erant sigillo bis longo pendenti cum pluribus filis de sirico rubeo et albo cere viridis, in quo ex parte anteriori erant sculte ymages infrascripte, videlicet ymago sedens super schanno ad modum regis cum corona^d in capite et scettro in manu destra et tres alie ymages hominum ad pedem prescripti realis ymaginis cum litteris circum circha, que videbantur sic patere: . † . S . Rudolphi imperialis aule cancellarii¹.

(S. N.) Ego Iacobus iudex et notarius filius Alberti Amiczini iudex et notarius autenticum huius exempli predictarum litterarum vidi et legi et quicquid in eis scriptum repperi nil addito vel diminuto, quod sensum mutet vel intellectum, hic publice exemplavi ideoque subscripsi.

Am Rand: Exemplum litterarum Rodulfi cancellarii^e et vicarii generalis in Tuscia pro bono imperii.

- a) 'comū' Cop. b) 'cōmitatum' Cop. c) 'attitata' Cop.
d) 'corana' Cop. e) 'canellarii' Cop.

1) Ich füge aus jenem Notariatsinstrument, das ausser einer Urkunde des Hofkanzlers auch die beiden Urkunden des Königs Reg. imp. VI, 1252 und 1802 transsumiert, eine andere Beschreibung dieses Siegels nach Abschrift Holder-Eggens hier an: 'in quo erat inpressa et sculpta imago regia sedens in trono et quedam imago clericalis stans flexis genibus coram dicta regia maiestate et supius dictam ymaginem regiam tres erant imagines ad modum scriptorum'. Vgl. Lami, Mon. eccl. Florent. I, 363. 364.